

Na osnovu Zakona o Agencijama za zaštitu ljudi i imovine („Sl. Novine“ F BiH, broj: 78/08 i 67/13) i Uredbe o poslovima tehničke zaštite koji se odnose na korištenje alarmnog sistema, te poslove intervencije u slučaju aktiviranja alarmnog sistema („Sl. Novine“ F BiH, broj: 72/15), UGOVORNE STRANE:

1. **Davalac usluga:** UNILAB d.o.o. Sarajevo, Agencija za zaštitu ljudi i imovine,
ul: Drinska br.70 /71000 Sarajevo,
Identifikacioni broj: 4 2 0 0 5 4 1 6 0 0 7 ;
PDV broj: 2 0 0 0 5 4 1 6 0 0 7 ;
koga zastupa izvršni direktor Amer Muhić, dipl.kriminalist,
2. **Korisnik usluga:** J.U. Osnovna škola "Alija Nametak" Sarajevo;
ID broj: 4 2 0 0 2 3 8 2 1 0 0 0 7 ;
koga zastupa direktorica Mediha Beširević, prof.

zaključile su:

U G O V O R

Član 1.

Ovim ugovorom se uređuju međusobni odnosi ugovornih strana u vezi pružanja usluge tehničko-fizičke zaštite objekta, posredstvom priključenja alarmnog sistema korisnika na dojavno-operativni centar, instaliranog na adresi Zaima Šarca br. 15 -Sarajevo, i pružanju:

- A) usluga **monitoringa i interventne službe;**
- B) usluga **tehničkog održavanja i servisa;**

Član 2.

Usluga pod A) obuhvata slijedeće:

- 1) 24-satni prijem dojava o stanju alarmnog sistema, (protuprovalni, vatrodjavni i protivprepadni alarm, test izvještaji, stanje baterije, nestanak električne energije, vrijeme uključenja i isključenja sistema, idr.).
- 2) Pohranjivanje svih podataka koji su pribavljeni putem alarmnog sistema u digitalnom formatu i s rokom čuvanja od godinu dana, vođenje evidencije o redovnim i vanrednim događajima, praćenje statusa alarmnih zona na kojima su obavljene intervencije daljinskim pristupom ili na terenu i sl.
- 3) Obavještanje interventnog tima, odgovornih osoba Korisnika usluga, a po potrebi i nadležnih službi (policija, vatrogasci, hitna pomoć isl.).
- 4) Dostavljanje mjesečnog izvještaja o aktivnostima alarmnog sistema na objektu, na zahtjev Korisnika, istražnih organa ili osiguravajućeg društva.
- 5) Intervencija je obvezno postupanje agencije u slučaju aktiviranja alarma ili po prijavi dojavnog centra koje se sastoji od neposrednog dolaska na objekat, prostor ili mjesto u kojem je aktiviran alarm, radi utvrđivanja razloga aktiviranja ili otklanjanja kvarova na postavljenom alarmnom sistemu.
- 6) Neprekidno dežurstvo i pripravnost interventnog tima, sa planskim periodičnim obilascima objekta pod zaštitom.
- 7) Hitna intervencija na signal dojava o aktiviranju alarma na licu mjesta, sa po najmanje dva naoružana zaštitara uz korištenje službenog vozila označenim logom agencije.
- 8) Pomoć na objektu, osiguranje objekta do dolaska odgovornih osoba ili uvidajnih organa, eventualna prva pomoć i pomoć nadležnim službama.
- 9) Poduzimanje zakonom dopuštenih mjera i radnji shodno procjeni ugroženog stanja štićenog objekta, u skladu s Pravilnikom o sadržaju, obvezama i načinu obavljanja radnji koje poduzima čuvar, upotreba vatrenog oružja i fizičke sile tokom obavljanja poslova fizičke zaštite ljudi i imovine.
- 10) Iznajmljivanje GPRS komunikatora i SIM kartice.

sluga pod B) obuhvata slijedeće:

- 1) Obavljanje redovnog šestomjesečnog tehničkog pregleda i servisiranja protivprovalnog, videonadzornog sistema zaštite
- 2) Kontrola ispravnosti i servisiranja sigurnosne opreme i sredstava, te izdavanje zapisnika o obavljenom pregledu.
- 3) Korisnik je dužan obavljati redovnu kontrolu provođenja mjera i radnji u objektima i prostoru koji se štite tehničkom zaštitom te obavještavati Davaoca o uočenim nedostacima i nepravilnostima na sistemima zaštite, a što je isti dužan otkloniti u razumnom roku.

Član 3.

Korisnik je dužan da odmah nakon instaliranja alarmnog sistema promjeni tvorničku master/glavnu šifru a svojim uposlenicima dodjeli radne korisničke šifre. Po isteku radnog vremena odnosno napuštanju objekta, Korisnik je obavezan uključiti svoj alarmni sistem, a po potrebi može provjeriti stanje uključena sistema sa dojavnim centrom na dežurni broj 1313.

Korisnik se obavezuje na potrebu pismenog obavještanja ili upoznavanja Davaoca o svim promjenama koje su u vezi sa korištenjem ili rukovanjem alarmnim sistemom (promjena korisničkog osoba i njihovih kontakt brojeva i sl.), kao i o svim građevinskim promjenama na objektu (rekonstrukcije, preuređenja prostora i sl) i drugim sličnim pojedinostima koje su naknadno dograđene ili nastale, a mogu bitno uticati po sigurnost objekta.

Ugrađeni sistem zaštite Korisnik neće koristiti u svrhu ugrožavanja i povrede privatnosti i sigurnosti drugih osoba, već isključivo za zaštitu svog objekta koji se štiti unutar perimetra zaštite. Vlasnici sigurnosne opreme, dužni su obavljati redovnu kontrolu provođenja mjera i radnji u objektima i prostoru koji se štite tehničkom zaštitom te obavještavati agenciju o utvrđenim nedostacima i nepravilnostima.

Član 4.

Davalac usluga se obavezuje na savjesnost i dosljednost u izvršavanju ugovornih obaveza u okvirima važećeg zakona o agencijama za zaštitu ljudi i imovine. Ovim se izuzima uticaja više sile ili stanja van kontrole Davaoca koje se nisu mogle predvidjeti ili otkloniti u vrijeme zaključenja ugovora (nastanak elementarnih nepogoda ili vanrednih stanja, cestovnih blokada, fizičkih demonstracija i sl.).

Davalac usluga ne preuzima nikakvu odgovornost za učinjenu štetu na objektu u vremenu od prijema alarmnog signala u dojavni centar do vremena predviđenog dolaska interventnog tima na lice mjesta, kao i štetu uslovljenu smetnjama ili prekidima telefonskog ili GSM/GPRS signala na štićenom objektu.

Eventualni prekidi i zagašenja u telecom saobraćaju, ne spadaju u nadležnost Davaoca usluga.

Član 5.

Garantni rok od dvanaest (12) mjeseci, odnosi se na svu opremu koju je ugradio Davalac usluga u sistem zaštite objekata Korisnika, osim za akumulatorske baterije iz sistema rezervnog napajanja i kvarove nastale nestručnim rukovanjem ili nasilnim uništenjem (fizičko oštećenje, udar groma, prenapon isl).

Po isteku garantnog roka, Davalac će ponuditi uslugu tehničkog održavanja i servisiranja sistema zaštite svakih šest mjeseci.

Član 6.

Cijena usluga iz člana 1. ovog ugovora iznosi:

-za uslugu pod A), 142,00 KM bez PDV-a mjesečno, odnosno na trogodišnjem nivou 5.133,60KM bez PDV- a (6.006,31 KM sa PDV-om);

-za uslugu pod B), 119,60,00 KM bez PDV-a /prema jednom šestomjesečnom pregledu, odnosno za ukupno šest planiranih servisa tokom trogodišnje saradnje iznosila bi 717,60KM bez PDV-a (839,59 KM sa PDV-om).

Korisnik usluga se obavezuje na redovnost plaćanja ispostavljene mjesečne fakture u roku od deset (10) dana po primitku iste, odnosno u zavisnosti od priliva sredstava budžetskog korisnika. Ukoliko se evidentna dugovanja nastave i nakon pismene obavjesti ili upozorenja o tome, proces pružanja usluga će biti obustavljen bez preuzimanja bilo kakvih odgovornosti po osnovu ovog ugovora.

Korisnik je dužan pismenim putem obavjestiti Davaoca o slučajevima neprispjeća mjesečnih faktura.

Član 7.

Davalac i Korisnik usluga se obavezuju da će u vremenu trajanja ovog ugovora i u vremenu nakon isteka, kao poslovnu tajnu čuvati sve poslovne informacije i podatke koji su u vrijeme trajanja ugovore bili dostupni.

Na osnovu pisanog naloga nadležnog tijela uprave (tijela unutrašnjih poslova, tužilaštva i drugih tijela uprave), u slučajevima kada je potrebno poduzeti posebne mjere sigurnosti iz djelokruga tih tijela, agencija je dužna isključiti alarmni sistem koje je ugradila i o tome odmah obavijestiti Korisnika o razlozima i trajanju isključenja tehničkih sredstava.

Član 8.

Ovaj ugovor stupa na snagu sa danom obostranog potpisivanja ugovornih strana.

Ugovor se zaključuje na period od tri (3) godine.

Obaveze koje dopijevaju u narednim godinama moraju biti ugovorene u iznosima predviđenim propisima kojima se uređuje izvršenje budžeta ili finansijskog plana za svaku godinu posebno.

Član 9.

Ugovorne strane su suglasne da se ugovor može raskinuti uz otkazni rok od trideset (30) dana. Ona strana koja raskida ovaj ugovor mora informirati drugu stranu pismenim putem.

Član 10.

Na odnose između ugovornih strana koji nisu uređeni ovim Ugovorom primjenjuju se odredbe Zakona o obligacionim odnosima.

Član 11.

Svi eventualni sporovi koji nastanu realizacijom ovog ugovora rješavat će se sporazumno, u protivnom nadležan je sud u Sarajevu.


Član 12.

Ovaj Ugovor je sačinjen u dva (2) istovjetna primjerka od kojih svaka strana zadržava po jedan.

Broj: 02-2020/19

Datum: 1.7. 2019. godina

Korisnik: Direktorica Mediha Beširević

 MP

Broj: AM-613/19

Datum: 01.07.2019

Za Davaoca:

MP

